



Dioplóma sa Phleanáil agus Buanú Teanga

Is é aidhm an chúrsa deis a thabhairt do rannpháirtithe eolas agus oiliúint fheidhmeach a fháil ar straitéisí buanaithe teanga agus leas-chleachtais na pleanála teanga. Cuirfidh siad eolas ar ghnéithe den fhorbairt pobail atá riachtanach do phobal na Gaeilge san am atá romhainn. Tá an cúrsa seo á chur ar fáil i gcomhar le hÚdarás na Gaeltachta chun tacú le forbairt na pleanála teanga sa Ghaeltacht. Beidh sé feiliúnach d'oibrithe pobail agus teanga sna ceantair pleanála teanga a luaitear in Acht na Gaeltachta. Bainfidh daoine atá ag obair cheana féin in earnáil na Gaeilge go náisiúnta an-leas as an gcúrsa seo.

Tréimhse an chúrsa

Déanfar an clár seo a theagasc trí fhoghlaim chumaisc ar bhonn modúlach in imeacht dhá bhliain acadúla. De bharr scaipeadh measta na rannpháirtithe, bainfear úsáid as an gcianfhoghlaim, as Ionaid Ghaeltachta na hOllscoile agus as tréimhsí blocfhoghlama chun deis a thabhairt do rannpháirtithe an tairbhe is fearr a bhaint as an gcúrsa seo. Beidh seisiún ionductaithe do mhic léinn an chúrsa á reáchtáil ar champas na hOllscoile i nGaillimh i lár mhí Mheán Fómhair 2018. Scaipfear sceideal agus ionaid na léachtaí agus na gceardlann ag tús an chúrsa.

Ábhar an chúrsa

Beidh tuiscint ag rannpháirtithe ar na cleachtais bhunaigh a bhaineann leis an bpleanáil teanga agus gheobhaidh siad oiliúint sna bealaí is éifeachtaí le tabhairt faoi phlean teanga a leagan amach dá bpobal nó dá n-eagrais féin. Beidh cás-staidéir le réiteach mar chuid den chúrsa. Déanfar na modúil seo a theagasc in imeacht dhá bhliain an chúrsa:

- Bunús na sochtheangeolaíochta
- Bunús na pleanála teanga
- Cúlra agus comhthéacs na Gaeltachta
- Cleachtais chumarsáide agus áisitheoireachta
- Próiseas na pleanála teanga
- Cás-Staidéir



Riachtanais iontrála

Fáilteofar roimh iarratais ó dhaoine atá ag obair in earnáil na forbartha teanga nó pobail sa Ghaeltacht nó in earnáil na Gaeilge go náisiúnta chomh maith le daoine eile a bhfuil spéis acu san ábhar seo. De bharr go mbeidh gnéithe den chúrsa á seachadadh ar bhonn cianfhoghlama ní foláir go mbeidh teacht ag rannpháirtithe ar ríomhaire agus ar cheangal leathanbhanda. Is gá caighdeán sásúil i labhairt agus i scríobh na Gaeilge a bheith ag rannpháirtithe an chúrsa.

Táille agus iarratais

Gearrfar táille €990 in aghaidh na bliana ar mhic léinn an Dioplóma ach beidh táille laghdaithe €750 le hóc ag mic léinn a chomhlánaíonn foirm iarratais ar líne roimh an 17 Lúnasa 2018. Ní mór foirm iarratais ar líne a chomhlánú roimh an 24 Lúnasa 2018. Seolfar sonrasc chugat agus beidh ort éarlais €100, teastas breithe agus grianghraf pas a sholáthar roimh an seisiún ionductaithe i lár mhí Mheán Fómhair. Beidh táille iomlán an chúrsa le hóc roimh an 7 Nollaig 2018.

Cáilíocht

Dioplóma de chuid Ollscoil na hÉireann, Gaillimh atá ag teacht le cáilíocht ag Leibhéal 7 den Chreatlach Náisiúnta Cáilíochtaí é seo. Sa chás nach gcríochnaíonn an rannpháirtí ach an chéad bhliain, is féidir Teastas sa Phleanáil Teanga a bhronnadh air/uirthi ach an caighdeán cúf a bhaint amach i measúnuithe mhodúil na chéad bhliana.



Tuilleadh eolais:

Éamon Ó Cofaigh
Acadamh na hOllscolaíochta Gaeilge
OÉ Gaillimh
t: 091-493802
r: eamon.ocofaigh@oegaillimh.ie